

## Agenda – Y Cyfarfod Llawn

---

Lleoliad y cyfarfod:

Y Siambr – Y Senedd

Dyddiad y cyfarfod:

Dydd Mercher, 20 Mai 2020

Amser y cyfarfod: 13.30

### 278(v6)

---

Cynhelir y cyfarfod hwn drwy gynhadledd fideo. Ar ôl ymgynghori â'r Pwyllgor Busnes, mae'r Llywydd wedi penderfynu:

- Y cworwm i unrhyw bleidlais fod yn ddilys fydd pedwar Aelod, yn unol â Rheol Sefydlog 34.10;
- Yn unol â Rheol Sefydlog 34.11, caiff pob grŵp gwleidyddol (neu grwpiad a ffurfir at ddibenion Rheol Sefydlog 11) enwebu un Aelod o'r grŵp neu'r grwpiad i gael yr un nifer o bleidleisiau ag sydd o aelodau'r grŵp neu yn achos grŵp gwleidyddol sydd â rôl weithredol, aelodau'r grŵp hwnnw yn ogystal ag unrhyw aelodau eraill o'r llywodraeth;
- Caiff gofynion Rheol Sefydlog 12.56 ynghylch cwestiynau llafar eu datgymhwyso, yn unol â Rheol Sefydlog 34.18.

Mae'r Llywydd hefyd yn hysbysu, yn unol â Rheol Sefydlog 34.15, fod y cyhoedd wedi eu gwahardd rhag bod yn bresennol yn y Cyfarfod Llawn hwn, fel sy'n ofynnol er mwyn diogelu iechyd y cyhoedd. Bydd y cyfarfod yn parhau i gael ei ddarlledu'n fyw a bydd cofnod o'r trafodion yn cael ei gyhoeddi yn y ffordd arferol.

#### 1 Datganiad a Chyhoeddiad Busnes

(5 munud)

[Gweld y Datganiad a Chyhoeddiad Busnes](#)



## **2 Datganiad gan y Prif Weinidog: Coronafeirws (COVID-19)**

(45 munud)

## **3 Cwestiynau Amserol**

(20 munud)

### **Gofyn i'r Gweinidog Addysg**

**Helen Mary Jones (Canolbarth a Gorllewin Cymru):** A wnaiff y Gweinidog ddatganiad am ddyfodol y sector addysg uwch, yn dilyn adroddiad Canolfan Llywodraethiant Cymru am effaith ariannol Covid-19 ar brifysgolion yng Nghymru?

### **Gofyn i'r Gweinidog Tai a Llywodraeth Leol**

**Delyth Jewell (Dwyrain De Cymru):** A wnaiff y Gweinidog ddatganiad yn rhoi'r wybodaeth ddiweddaraf am y cymorth a'r adnoddau fydd ar gael i awdurdodau lleol wrth ddatblygu'r capasiti i olrhain cysylltiadau yn dilyn cyhoeddi strategaeth Llywodraeth Cymru ar gyfer codi'r cyfyngiadau presennol?

## **4 Datganiad gan Weinidog yr Economi, Trafnidiaeth a Gogledd Cymru: Ymateb i Coronafeirws (COVID-19)**

(45 munud)

### **Cynnig i atal Rheolau Sefydlog ( 5 munud)**

#### **NNDM7325 [Rebecca Evans \(Gwyr\)](#)**

Cynnig bod y Senedd, yn unol â Rheolau Sefydlog 33.6 a 33.8:

Yn atal Rheolau Sefydlog 12.20(i), 12.22(i) a'r rhan honno o Reol Sefydlog 11.16 sy'n ei gwneud yn ofynnol bod y cyhoeddiad wythnosol o dan Reol Sefydlog 11.11 yn darparu'r amserlen ar gyfer busnes yn y Cyfarfod Llawn yr wythnos ganlynol, er mwyn caniatáu i ddadl ar NNDM7326 gael ei hystyried yn y Cyfarfod Llawn ddydd Mercher 20 Mai 2020.

## 5 Dadl – COVID19 – Llacio'r Cyfyngiadau ar ein Cymdeithas a'n Heconomi: Dal i Drafod

(90 munud)

NNDM7326 [Rebecca Evans \(Gwyr\)](#)

Cynnig bod y Senedd:

1. Yn nodi cyhoeddi Llacio'r Cyfyngiadau ar ein Cymdeithas a'n Heconomi: Dal i Drafod, sy'n disgrifio sut y gall Cymru ddechrau llacio'r cyfyngiadau yn raddol
2. Yn cytuno y dylai iechyd y cyhoedd fod yn ystyriaeth flaenllaw mewn unrhyw benderfyniadau ynghylch pryd a sut y caiff y rheoliadau ynghylch aros gartref gael eu llacio
3. Yn diolch i bobl Cymru am eu cefnogaeth a'u hymrwymiad parhaus er mwyn lleihau lledaeniad y coronafeirws
4. Yn canmol gwaith caled ac ymroddiad gweithwyr hanfodol ar draws Cymru yn ystod y pandemig.

[Llacio'r Cyfyngiadau ar ein Cymdeithas a'n Heconomi](#)

Cyflwynwyd y gwelliannau a ganlyn:

**Gwelliant 1** – [Darren Millar \(Gorllewin Clwyd\)](#)

Ychwanegu pwynt newydd ar ôl pwynt 1 ac ailrifo yn unol â hynny:

Yn credu bod yn rhaid i Lywodraeth Cymru gydweithio â llywodraethau eraill yn y Deyrnas Unedig fel rhan o ddull cydlynol pedair cenedl o godi'r cyfyngiadau symud.

**Gwelliant 2** – [Darren Millar \(Gorllewin Clwyd\)](#)

Ychwanegu pwynt newydd ar ôl pwynt 2 ac ailrifo yn unol â hynny:

Yn cydnabod y rhai sydd wedi colli eu bywydau yn ystod y pandemig ac yn estyn ei chydymdeimlad dwysaf â'r rhai y mae profedigaeth yn effeithio arnynt.

**Gwelliant 3** – [Darren Millar \(Gorllewin Clwyd\)](#)

Ychwanegu pwynt newydd ar ddiwedd y cynnig:

Yn galw ar Lywodraeth Cymru i ddiweddarau Llacio'r Cyfyngiadau ar ein Cymdeithas a'n Heconomi, i gynnwys:

- a) amserlenni dangosol ar gyfer codi'r mesurau cyfyngiadau symud;
- b) manylion y cerrig milltir a'r targedau sydd i'w cyflawni cyn codi pob mesur;
- c) sefydlu tasgluoedd mewn adrannau gweinidogol allweddol i oruchwylio'r gwaith o weithredu'r cynllun; a
- d) cynllun ariannol priodol i gefnogi'r gwaith o gyflawni'r cynllun.

#### **Gwelliant 4 – [Sian Gwenllian \(Arfon\)](#)**

Ychwanegu pwynt newydd ar ddiwedd y cynnig:

Yn cefnogi'r alwad gan bedwar Prif Gwnstabl a Chomisiynwyr yr Heddlu a Throsedd Cymru i'r Prif Weinidog sicrhau bod y dirwyon uchaf y gall yr heddlu eu dyroddi am beidio â chydymffurfio â'r rheoliadau iechyd cyhoeddus, yn cael eu cynyddu er mwyn sicrhau bod cyfyngiadau yn cael eu gorfodi'n gadarn cyhyd ag y maent ar waith.

#### **Gwelliant 5 – [Sian Gwenllian \(Arfon\)](#)**

Ychwanegu pwynt newydd ar ddiwedd y cynnig:

Yn credu ei bod yn angenrheidiol sicrhau bod system gadarn o brofi ac olrhain cysylltiadau ar waith er mwyn codi'r cyfyngiadau'n sylweddol.

**Yn unol â Rheol Sefydlog 12.23 (iii), ni ddewiswyd gwelliannau 6, 7 ac 8 a gyflwynwyd i'r cynnig hwn.**

#### **Gwelliant 9 – [Sian Gwenllian \(Arfon\)](#)**

Ychwanegu pwynt newydd ar ddiwedd y cynnig:

Yn galw ar Lywodraeth Cymru i bwysu ar Lywodraeth y DU i gyflwyno incwm sylfaenol cyffredinol ac i archwilio pob llwybr arall sydd ar gael i Lywodraeth Cymru i sicrhau bod gwaelodlin o gymorth ariannol ar gael i bobl Cymru drwy gydol y cyfnodau o gyfyngiadau ar ein cymdeithas a'n heconomi.

## 6 Datganiad gan y Gweinidog Tai a Llywodraeth Leol: Coronafeirws (COVID-19) – Tynnwyd yn ôl

Cynnig o dan Reol Sefydlog 12.24 i Gynnal Dadl ar y Canlynol Gyda'i Gilydd ond Gyda Phleidleisiau ar Wahân (30 munud)

## 7 Rheoliadau Diogelu Iechyd (Cyfyngiadau Coronafeirws) (Cymru) (Diwygio) (Rhif 2) 2020

NDM7322 [Rebecca Evans \(Gwyr\)](#)

Cynnig bod y Senedd, yn unol â Rheol Sefydlog 27.5:

1. Yn cymeradwyo Rheoliadau Diogelu Iechyd (Cyfyngiadau Coronafeirws) (Cymru) (Diwygio) (Rhif 2) 2020 a [osodwyd](#) yn y Swyddfa Gyflwyno ar 24 Ebrill 2020.

**Dogfennau Ategol**

[Memorandwm Esboniadol](#)

[Adroddiad y Pwyllgor Deddfwriaeth, Cyfiawnder a'r Cyfansoddiad](#)

## 8 Rheoliadau Diogelu Iechyd (Cyfyngiadau Coronafeirws) (Cymru) (Diwygio) (Rhif 3) 2020

NDM7323 [Rebecca Evans \(Gwyr\)](#)

Cynnig bod y Senedd, yn unol â Rheol Sefydlog 27.5:

1. Yn cymeradwyo Rheoliadau Diogelu Iechyd (Cyfyngiadau Coronafeirws) (Cymru) (Diwygio) (Rhif 3) 2020 a [osodwyd](#) yn y Swyddfa Gyflwyno ar 11 Mai 2020.

**Dogfennau Ategol**

[Memorandwm Esboniadol](#)

[Adroddiad y Pwyllgor Deddfwriaeth, Cyfiawnder a'r Cyfansoddiad](#)

## 9 Rheoliadau Taliadau Uniongyrchol i Ffermwyr (Rhanddirymiad Tyfu Amrywiaeth o Gnydau) (Cymru) 2020

(15 munud)

NDM7324 [Rebecca Evans \(Gwyr\)](#)

Cynnig bod y Senedd, yn unol â Rheol Sefydlog 27.5:

1. Yn cymeradwyo Rheoliadau Taliadau Uniongyrchol i Ffermwyr (Rhanddirymiad Tyfu Amrywiaeth o Gnydau) (Cymru) 2020 a [osodwyd](#) yn y Swyddfa Gyflwyno ar 29 Ebrill 2020.

**Dogfennau Ategol**

[Memorandwm Esboniadol](#)

[Adroddiad y Pwyllgor Deddfwriaeth, Cyfiawnder a'r Cyfansoddiad](#)

## 10 Cyfnod pleidleisio

Cynhelir Cyfarfod Llawn nesaf y Senedd am 11.00, Dydd Mercher, 3 Mehefin 2020